

Na osnovu člana 16. stav 2. Zakona o Vladi Zeničko-dobojskog kantona-Prečišćeni tekst («Službene novine Zeničko-dobojskog kantona», broj: 7/10), člana 11. stav 2. Zakona o koncesijama (Prečišćeni tekst) («Službene novine Zeničko-dobojskog kantona», broj: 5/03), na prijedlog Ministarstva za privredu, Vlada Zeničko-dobojskog kantona, na 69. sjednici, održanoj 05.07.2012. godine, d o n o s i

ODLUKU

o dodjeli koncesije za istraživanje i eksploataciju metalnog mineralnog resursa-ceruzita na lokalitetima Očekalj i Prgoševo K.O. Drecelj, u općini Olovo

Član 1.

(Predmet koncesije)

Privrednom društvu „Geomet“ d.o.o. Srebrenica (u daljem tekstu: Koncesionar) dodjeljuje se koncesija za istraživanje i eksploataciju mineralnog resursa ceruzita na lokalitetima Očekalj i Prgoševo K.O. Drecelj, u općini Olovo.

Član 2.

(Lokacija)

(1) Istražno-eksploatacioni prostor ležišta je ograničen graničnim linijama sa prijelomnim tačkama, kako slijedi:

TAČKA	X	Y
I	4 883 571,00	6 547 383,00
II	4 884 745,69	6 549 653,74
III	4 884 000,00	6 550 095,00
IV	4 882 440,00	6 549 217,00
V	4 883 264,00	6 547 304,00
I	4 883 571,00	6 547 383,00

(2) Površina unutar istražno-eksploatacionog polja je 3.358.251,00 m². Spisak katastarskih čestica (katastarskih čestice je 374 u K.O. Dolovi i 5 u K.O. Dugandžići, što je ukupno 379 katastarskih čestica) se nalazi u dokumentu dostavljenom i ovjerenom od strane općine Olovo od 30.06.2011.godine.

Član 3.

(Ugovor)

Zadužuje se Ministarstvo za privredu da u skladu sa ovom Odlukom i odredbama Zakona o koncesijama potpiše Ugovor o dodjeli koncesije za istraživanje i eksploataciju mineralnog resursa ceruzita na lokalitetima Očekalj i Prgoševo K.O. Drecelj, u općini Olovo u roku od 60 dana od dana stupanja na snagu ove odluke.

Član 4.

(Elementi Ugovora)

(1) Osnovni elementi Koncesionog ugovora su:

- a) Vrijeme koncesije za istraživanje je 3 godine (tri), a vrijeme koncesije za eksploataciju je 25 godina, računajući od dana potpisivanja Koncesionog ugovora;
- b) Kontinuirana koncesiona naknada koja će se usaglašavati na kvartalnom nivou prema kretanju cijene metala olova na Londonskoj berzi;
Kontinuirana koncesiona naknada je 1,50 KM po toni rovne rude (slovima: jedan zarez pet maraka po toni rovne rude);
- c) Jednokratna koncesiona naknada je 0,15 KM po m² (slovima: nula zarez petnaest konvertibilnih maraka) istražno-eksploatacionog prostora na koji se daje koncesija;

- d) Minimalna godišnja realizacija predmeta koncesije je 120.000 tona rovne rude po godini (slovima: sto dvadeset hiljada tona rovne rude po godini).
- e) Ovjerena izjava ponuđača da pod krivičnom i materijalnom odgovornošću nesporno prihvata finansijsku obavezu sukcesivnog deminiranja prema razvoju i dinamici istražno-eksploatacionih radova.
- f) Ovjerena izjava ponuđača da se pod krivičnom i materijalnom odgovornošću obavezuje omogućiti realizaciju svih projekata od općeg interesa za koje Općinsko vijeće Olovo iskaže interes, a da nije u koliziji sa ovim Projektom.
- g) Ovjerena izjava da pod krivičnom i materijalnom odgovornošću nesporno prihvata obavezu da u toku eksploatacije, u slučaju nailaska na resurse plemenitih metala, obavijesti Koncesora i iste deponuje u području istražno-eksploatacionog lokaliteta, te ih preda Koncesoru;
- h) Saglasnost Općinskog vijeća Olovo, broj:04-18-10094-4/07 od 05.07.2007. godine;

(2) Koncesionar je dužan prije potpisivanja Koncesionog ugovora obezbijediti:

a) Uplatnicu na 503.737,65 KM kao jednokratnu koncesionu naknadu;

b) Ovjerenu mjenicu sa mjeničnom izjavom na iznos od 360.000,00 KM;

c) „Nulto stanje“ ležišta prije početka istražno-eksploatacionih radova sa fotografisanjem eventualnih postojećih objekta u blizini ležišta.

(3) Koncesionar je dužan prije dobijanja dozvole za istraživanje i eksploataciju obezbijediti odgovarajuće dozvole i to:

Urbanističku, vodoprivrednu, šumsku saglasnost, okolinsku dozvolu, saglasnost Zavoda za zaštitu spomenika, te riješiti imovinsko-pravna pitanja.

Član 5.

(Istraživanje i eksploatacija)

(1) Istražne i eksploatacione radove, kao i sve druge prateće poslove, Koncesionar je dužan izvoditi u skladu sa odredbama važećih zakona i propisa kojima je uređena oblast istraživanja i eksploatacije mineralnih resursa, te drugih važećih zakonskih propisa.

(2) U slučaju da Koncesionar ne otpočne sa istraživanjem i eksploatacijom ceruzita u roku od tri godine, računajući od dana donošenja ove Odluke, smatrat će se da je odustao od realizacije projekta.

Član 6.

(Stupanje na snagu)

Odluka stupa na snagu danom donošenja i bit će objavljena u „Službenim novinama Zeničko-dobojskog kantona“.

Broj: 02-_____ /12.

Datum, 05.07.2012. godine

Z e n i c a

PREMIJER

mr.sci.Fikret Plevljak dipl.ing.

DOSTAVLJENO:

1x Ministarstvo za privredu,

1x Ministarstvo za prostorno uređenje, promet i komunikaciju i zaštitu okoline,

1x Ministarstvo za poljoprivredu, šumarstvo i vodoprivredu,

1x „Službene novine Zeničko-dobojskog kantona“,

1x „GEOMET“ d.o.o. Srebrenica (putem ministarstva),

1x a/a.